



Jumat, 29 Nopember 2024
Ogen: 1 Korinti 7:3-5



"Arih Ersada"



Bp. Gengsi ras Nd. Gengsi e me pasangan ndehara ras perbulangen si enggo 20 tahun erjabu. Kidekah enda memang labo pernah begi ia rubat belin, emaka kalak si natap rusur isangkana maka ersada arih kalak enda duana dengen jabu si sempabu. Tapi kinatana bas jabu, tapi rusur la siperkuanen, banci erminggu-minggu. Lit seri biakna duana, gengsi. Sekali enda enggo 3 minggu kalak e la siperkuanen. Ulang tahun Nd. Gengsi nggo ndeher. Kidekah erjabu la pernah HUT Nd. Gengsi ilakoken, Gengsi ia mindo irayaken, perbulangenna la ngangka. Tahun enda ersuruh ukur Bp. Gengsi, e maka pesikapna kejutan. La sungkunna kai si merincuh Nd. Gengsi, mela ka ia nungkunsa. Seh me warina, kundul ia duana bas meja makan. Reh nina Bp Gengsi, tanpa basa-basi, "selamat ulang tahun, enda kesukanndu, panken", minter talangi Nd gengsi tutup piring e, jenari serko ia asa gangna. "Aku mulih saja...."nina janahna ngandung kesi-kesi. "Kai salahku Nd. Gengsi, maka mindo mulih kam, nggo kurayaken HUTndu, kai kal salahku", nina ka si Bp Gengsi. E maka ngaloi Nd Gengsi, "lanai tertahan aku, aku lalap si ngagak ukurndu, kam sekali pe la nggit nuriken kai sura-surandu. Gundari pe nokoh kuakap kam, berendu aku takal nurung, enggo 20 tahun aku lalap mangani takalna, sabap sada pe kena la pet". Jenari nggo terbuka ia duana, dungna dakep Bp. Gengsi ndeharana, mindo maaf ia, jenari ertoto ras. Dingen erjanji lanai ia gengsi-gengsi. Rasul Paulus ningetken kerina pasangan ndehara ras perbulangen gelah nehken kewajiben si arus. La terjeng mere kai si kita beluh merekenca, tapi mereken pengertin, rasa aman ras nyaman. Adi lit la payo labo man sirangenken, tapi buat waktu guna mindo kepentare bas Tuhan nari. Arih ersada labo bage-bage saja, tapi alu toto ras usaha.

Jagailah jabundu wari-wari enda jahat